



Wobzamknjenje gmejnskeje rady Chrósćicy č. 33-09/2020 dnja 10.09.2020

předmjet wobzamknjenja:

Zwěšćenje kónclětneho wotličenja 2013 gmejny Chrósćicy

wopisanje wobstejnoscě:

Nastajenje kónclětneho wotličenja přewjedže so wotpowěduju § 88 SächsGemO. Gmejna je jeje prawo wužiła, po zakonskej změnje k 01.01.2018 § 88 wotst. 5 SächsGemO, při nastajenju kónclětnych wotličenjow wot 2013 do 2015 přiweški a rozprawy njenaložować. Kónclětne wotličenje podleži wotpowědnje § 88 SächsGemO w zwisku z § 103 wotst. 1 SächsGemO pruwowanju na městnje. Městne pruwowanje kónclětneho wotličenja k 31.decembrej 2013 je so přez hospodarsko-pruwowansku towaršnosć dr. Steinebach & Kollegen tzwr wot nowembra 2019 hač do decembra 2019 z přestawkami přewjedło a bu 08. apryla 2020 zakončene.

Z kónčnej pruwowanskej rozprawy bu gmejnje Chrósćicy njewobmjezowany wobkrućenski zapisk spožčeny. Kónclětne wotličenje wotpowěduje zakonskim předpisam a wudospolnjacym postajenjam a sposrědkuje wobkedźbujo zasady porjadneho knihiwjednistwa woprawdźitosćam wotpowědowacy wobraz zamóženskeho, wunošneho a finančneho položanja gmejny Chrósćicy.

strona aktiwow		strona pasiwow	
1.naložene zamóženje	7.093.134,49 €	1. pozicija kapitala	4.712.331,95 €
2.wobběžne zamóženje	135.600,07 €	2. wosebite pozicije	1.960.335,22 €
3. zličbowanki wotmjezowace pozicije	0,00 €	3.wrócostajenki (reserwy)	0,00 €
		4. zawjazki	495.124,30 €
		5. zličbowanki wotmjezowace pozicije	60.943,09 €
bilancowa suma	7.228.734,56 €	bilancowa suma	7.228.734,56 €

Zličjenje wuslědka:

Porjadne wunoški: 1.137.637,86 €
Porjadne naložowanja: 1.368.946,79 €
Porjadny wuslědk: - 231.308,93 €
Wosebity wuslědk: 1.112,40 €
Cyłkowny wuslědk: - 230.196,53 €

wužiwanje kónclětneho wuslědka:

Njedostatk porjadneho wuslědka we wysokosći – 231.308,93 € a nadbytk wosebiteho wuslědka we wysokosći 1.112,40 € so ze zakładnym kapitalom po § 131 wotst. 6 sada 5 zliči.

- dale na zadnej stronje -



Finančne ličenje:


saldo plaćenskich srědkow z běžneho zarjadnistwa:	50.709,10 €
saldo plaćenskich srědkow z investicijow:	17.264,44 €
saldo plaćenskich srědkow z finančneje džěławosće:	-19.670,22 €
změna wobstatka financnych srědkow w hospodarskim léće:	48.303,32,€

wobzamknjenje:

Gmejnska rada gmejny Chrósćicy wobzamkne w swoim zjawnym posedženju dnja 10.09.2020 po přewjedženju městneho pruwowanja zwěšćenje předležaceho kónclětneho wotličenja k 31.12.2013 z bilancowej sumu we wysokosći 7.228.734,56 €.

Wobzamknjenje wo zwěšćenju kónclětneho wotličenja 2013 ma so wotpowědnje § 88 c SächsGemO prawnikemu dohladowanskemu zarjadej bjezposrědnje wozjewić a po zwučenym wašnju zjawnje wozjewić. Kónclětne wotličenje k 31.12.2013 z k tomu słušacymi podložkami – wuslědkowe, finančne, zamóženske zličenje – wuleži k stajnemu dohladej w gmejnskim zarjedže resp. w zarjadniskim zwjazku za dobu wotewrjenskich časow, zo by sej je kóždyžkuli wobhladać móht.

Marko Kliman
wjesnjanosta



příloha

rozprawa k pruwowanju kónclětneho
wotličenja k 31.12.2013

Wuslědk wothłosowanja:

ličba hłosokmanych: 12+wjesnjanosta

wot toho přítomni: 12+wjesnjanosta

haj-hłosy: 13

ně-hłosy: 0

hłosawzdaća: 0

wuzamknjene na zakładže § 20 Sakskeho gmejnskeho porjada: (mjeno)

Wobzamknjenje so jednohłosnje přiwza.



Wobzamknjenje gmejskeje rady Chrósćicy č. 34-09/2020 dnja 10.09.2020

předmjet wobzamknjenja:


Přihłosowanje gmejny Chrósćicy k twarej hěty za grilowanje přez wjesne towarstwo "Při skale" na ležownosći 53/12 w Hórkach

wopisanje wobstejnosće:

Hórcan wjesne towarstwo "Při skale" chce sebi na gmejskej ležownosći 53/12 w Hórkach hětu za grilowanje natwaric. Wotpohlad je, zo hěta towarštnostne žiwjenje w Hórkach wobohaći a jako zetkawanišćo služi. Wjesne towarstwo "Při skale" wobdžěli so z tutym projektom na simul+wubědžowanju a wudoby sebi myto we wysokosći 5.000,00 €. Tute srědky maja so za realizaciju zetkawanišća zasadzić. Wjesne towarstwo "Při skale" zawjazuje so napřečo gmejny Chrósćicy, wšitke wudawki za twar grilowaneje hěty samostatnje nałożować. Gmejna so na investiciji njewobdžěli. Za dołhodobne zdžerženje objekta je tohorunja wjesne towarstwo zamołwite.

wobzamknjenje:

Gmejska rada gmejny Chrósćicy přihłosuje zasadnje twarej hěty za grilowanje přez wjesne towarstwo "Při skale" na ležownosći 53/12 w Hórkach. Za twar a wudžerženje hěty je wjesne towarstwo zamołwite.



Marko Kliman
wjesnjanosta

Wuslědk wothłosowanja:

ličba hłosokmanyh: 12+wjesnjanosta
wot toho přítomni: 12+wjesnjanosta
haj-hłosy: 13
ně-hłosy: 0
hłosawzdaća: 0
wuzamknjene na zakładže § 20 Sakskeho gmejskeho porjada: (mjeno)
Wobzamknjenje so jednohłosnje přiwza.



Wobzamknjenje gmejskeje rady Chrósćicy č. 35-09/2020 dnja 10.09.2020

předmjet wobzamknjenja:

Stejišćo k twarej hěty za grilowanje na ležownosći 53/12 w Hórkach

wopisanje wobstejnosće:

Twarski knjez gmejna Chrósćicy ma wotpohlad, twarić grilowansku hětu na ležownosći 53/12 w Hórkach.


Próstwa wo twarsku dowolnosć bu pola Budyskeho krajnoradneho zarjada, delni twarski zarjad, zapodata. Ze stron gmejskeje rady je za připóznawanske jednanje twarskeho předewzaća stejišćo trěbne.


Zwěšćenja při wobdźělanju:

Twarske předewzaće je po § 34 wotst. 1 BauGB móžne a so po wašnju a rozměrje twarskeho wužiwanja kaž tež wulkosći přetwarjenskeje płoniny do wokoliny hodži. Wotkryće je zawěšćene, žadanja na strowe bydlenske a džěłowe poměry so wobkedžbuja a wobraz gmejny so njewobwliwuje.

wobzamknjenje:

Gmejska rada gmejny Chrósćicy wupraji přezjednosć gmejny a přiłhosuje twarskemu předewzaću.


Marko Kliman
wjesnjanosta



Wuslědk wothłosowanja:

ličba hłosokmanyh: 12+wjesnjanosta
wot toho přitomni: 12+wjesnjanosta
haj-hłasy: 13
ně-hłasy: 0
hłosawzdaća: 0
wuzamknjene na zakładže § 20 Sakskeho gmejskeho porjada: (mjeno)
Wobzamknjenje so jednohłósnjepřiwza.



Wobzamknjenje gmejnskeje rady Chrósćicy č. 36-09/2020 dnja 10.09.2020

předmjet wobzamknjenja:

Wobzamknjenje k zwonka planowym dochodam a wudawkam za připokazanki k wuhotowanju z kónčnymi mobilnymi nastrojemi a k podpěrje zdaleneje digitalneje wučby (wukaz k spěchowanjmu mobilne-kónčne nastroje – MobilEndFöVO)

wopisanje wobstejnosće:


Na zakładže horjeka mjenowaneho wukaza Sakskeho statneho ministerstwa za kultus dóstanu šule za zawěšćenje a skrućenje kublanskeje infrastruktury za čas Corona-pandemije pawšalizowanu, na zaměr zwjazanu připokazanku. Připokazanka služi tomu, podpěrać digitalnu zdalenu wučbu. Mobilne kónčne nastroje maja so jako požčonka šulerjam přewostajić, dalokož wobsteji za to wosebita potřeba z wida šule jako wurunanje socialneje njerunowahi, kotraž móhła docpěće zaměrow wučby wohrozyć.

Za serbsku zakładnu šulu Chrósćicy wobsahuje připokazanka 3.722,27 €. Dopokaz wužiwanja za nakup mobilnych kónčných nastrojow dyrbi najpozdzišo kónc nowembra předležec. Zo móže so naprawa zaměrnje zwoprawdźić, namjetuje so, wjesnjanostu we wothłosowanju ze šulskim nawodu społnomócníc, nadawk k tomu přepodać.

wobzamknjenje:

Gmejnska rada Chrósćicy přihłosuje zwonka planowym dochodam a wudawkam za nakup mobilnych kónčných nastrojow za Serbsku zakładnu šulu Chrósćicy we wysokosći 3.722,27 €. Gmejnska rada społnomócnici wjesnjanostu we wothłosowanju ze šulskim nawodu, hospodarsce najpřijomnišemu poskićowarjej nadawk přepodać.

Marko Kliman
wjesnjanosta



Wuslědk wothłosowanja:

ličba hłosokmany: 12+wjesnjanosta

wot toho přitomni: 12+wjesnjanosta

haj-hłosy: 13

ně-hłosy: 0

hłosawzdaća: 0

wuzamknjene na zakładže § 20 Sakskeho gmejnskeho porjada: (mjeno)

Wobzamknjenje so jednohłosnje přiwza.



Wobzamknjenje gmejskeje rady Chrósćicy č. 37-09/2020 dnja 10.09.2020

předmjet wobzamknjenja:

Wobzamknjenje k přepodaću nadawka k instalaciji moderneje datoweje syće w Serbskej zakładnej šuli Chrósćicy

wopisanje wobstejnosće:

Za spjelnjenje žadanjow na modernu datowu syć a wotpowěduju žadanjam digitalneho pakta šule je so zarjadniski zwjazk wo poskitki za wutwar datoweje syće w Serbskej zakładnej šuli Chrósćicy prócował. Tři (3) firmy su poskitk wotekali.


Slědowace poskitki su dóšli:

- | | |
|---------------------------------------|------------------|
| 1. Elektroanlagen Bautzen GmbH | 8.711,20 € netto |
| 2. Bürotechnik Jens Hölzel, Wehrsdorf | 8.188,69 € netto |
| 3. Telekom Partner in Dresden GmbH | 7.641,37 € netto |

wobzamknjenje:

Gmejnska rada Chrósćicy wobzamkne, nadawk za instalaciju moderneje datoweje syće w Serbskej zakładnej šuli Chrósćicy přepodać na firmu Telecom Partner in Dresden GmbH, Fechnerstr.29, 01139 Drježdźany z hospodarsce najprijomnišim poskitkom we wysokosći 7.641,37 € netto.

Marko Klíman
wjesnjanosta



Wuslědk wothłosowanja:

ličba hłosokmany: 12+wjesnjanosta

wot toho přitomni: 12+wjesnjanosta

haj-hłosy: 13

ně-hłosy: 0

hłosawzdaća: 0

wuzamknjene na zakładze § 20 Sakskeho gmejskeho porjada: (mjeno)

Wobzamknjenje so jednohłosnje přiwza.



Wobzamknjenje gmejskeje rady Chrósćicy č. 38-09/2020 dnja 10.09.2020

předmjet wobzamknjenja:

Wobzamknjenje k wottorhanju twarjenja něhdyšjeje pěstowarnje a wožiwenju płoninow na ležownosći č. 77/2 a 78/3 w Chrósćicach


wopisanje wobstejnosće:


Gmejna Chrósćicy ma wotpohlad, wottorhać twarjenje něhdyšjeje pěstowarnje a wožiwić płoniny na ležownosćomaj 77/2 a 78/3 w Chrósćicach. W léće 2016 je so wužiwanje twarjenja něhdyšjeje pěstowarnje dla wobškodzenjow přez wjacore pady wulkeje wody skónčilo. Dalše wužiwanje twarjenja njeje dla stajnje so wospjetowaceje wulkeje wody a nastatych škodow hižo móžne. Z tuteje přičiny ma so twarjenje zwottorhać a płoniny zaso wožiwić.

Swójski podžěl gmejny za naprawu financuje so z penjezami dobyćerskeho myta Simultwubědzowanja. Próstwa wo připokazanku za wožiwenje pustych ležownosćow gmejna staji. Wuchadza so z toho, zo so naprawa we wysokosći 80 procentow spěchuje. Za próstwu wo připokazanku je wobzamknjenje gmejskeje rady k zasadze tuteje naprawy trěbne.

wobzamknjenje:

Gmejska rada Chrósćicy wobzamknje, wottorhać twarjenje něhdyšjeje pěstowarnje a wožiwić płoniny na ležownosćomaj č. 77/2 a 78/3 w Chrósćicach.


Marko Kliman
wjesnjanosta



Wuslědk wothłosowanja:

ličba hłosokmanych: 12+wjesnjanosta

wot toho přítomni: 12+wjesnjanosta

haj-hłosy: 13

ně-hłosy: 0

hłosawzdaća: 0

wuzamknjene na zakładze § 20 Sakskeho gmejskeho porjada: 0

Wobzamknjenje so jednohłosnje přiwza.